

Ekwó  
Obedaya  
Onye Mpfuchiru Chileke

*Aphụ*, Chipfu a-nụ ndu Edọmu

<sup>1</sup> Ọwaa bụ ọphulenyá, Obedaya phuru. Wakwa iphe, Nnajiuphu, bụ Chipfu epfu l'opfu ẹhu ndu Edọmu.

Anyi nụmaru ozi, Chipfu ziru.

Ọ kwa onye-ozí bẹ e ziru g'o  
jepfu ọhamoha je asụ  
phẹ-a:

“Unu gbalihukwa g'anyi je  
etsoo phẹ ọgu!

<sup>2</sup> Unu lekwa; mu meakwaru;  
ị ha nwanshịi l'echilabọ  
ọhamoha;  
ọphu ọ dukpoda iphe,  
a gụberu ngu.

<sup>3</sup> Ọ kwa eku-onwonye ono,  
nọ ngu l'obu ono dephuru ngu;  
mbụ gụbe onye ono,  
bu l'ime agbara mkpuma;  
bya eworu unuphu kwaa  
l'ephekerephe;  
mbụ gụbe onye ono,  
anọduje ari sụ:

“Bụ onye sụru mu akwatsu  
gẹ mu darwua alị?”

<sup>4</sup> I -wolichakpọnu onwongu  
ephekerephe g'ugo;

mbụ je akpachakporo  
 ẹpfune l'ẹka kpokpode  
 kegbaaru;  
 nokwapho ẹka mu a-gbẹ  
 lọ-zeta ngu.”

Nokwa iphe, Chipfu eepfu bụ  
 ono.

<sup>5</sup> “Ndu-oshi ọzoo ndu ana nfu  
 -bya ibe ngu l'enyashi;  
 ?tọ buedupho iphe,  
 mkpa iya duru phẹ bẹ ẹphe  
 e-wota kpoloko?

Ọ -buru lẹ ndu awọ akpuru  
 vayinu byapfutaru ngu;  
 ?ẹphe ta awọ-phodojedu  
 nwọphu dū olemole?

Obenu lẹ gubedua bẹ eze  
 iphe-ẹhuka a-dapfu.

<sup>6</sup> Lewarọ ya; alị oshilọkpa Iso  
 bẹ aa-vọchachaakwa  
 avọcha.

Mbụ l'ẹku iya, o domiru  
 edomi bẹ  
 ee-gwèchakwa tụtua.

<sup>7</sup> Ọ kwa ndu ono, gu l'ẹphe  
 gbaru ndzụ ono g'ẹphe  
 ha l'a-chifu ngu chi-rwua  
 ngu oke-alị ngu.

Mbụ lẹ ndu ono,  
 gu l'ẹphe dū lẹ ree ono  
 l'e-dephu ngu bya  
 akapyabekwa ngu  
 pho ẹnya.

Ọ bụru ndu erije nri ngu  
 a-gbabẹru ngu ònyà;  
 ọphu ì byadu amaru.”

<sup>8</sup> Wakwa iphe, Chipfu epfu  
 baa:

“O -rwua mbọku ono bẹ mu  
 a-tụkokwa ndu maru iphe  
 l'alị ndu Edọmu mee  
 g'ẹphe bụru mkpurupyata;  
 mbụ mebyishia ndu  
 iphe edoje ẹnya,  
 bu l'alị úbvú úbvú  
 k'oshilọkpa Iso ono.

<sup>9</sup> Ndibe ngu, ike dụ l'alwụ  
 ọgu gube mkpukpu  
 Temanu; bẹ meji  
 a-tọfukwa.

L'e gbukọta iphe,  
 bukpo ndu alị úbvú  
 úbvú oshilọkpa Iso  
 pyaapya.”

*Iphe-ẹji* ndu Edọmu

<sup>10</sup> “Eshi ọphu i meru nwune  
 ngu,  
 bụ Jiékọpu mkpawere  
 bẹ iphere e-rikpote ngu ishi;  
 tẹme l'e mee g'ị chihu jasụ  
 l'ojeje.

<sup>11</sup> Mbụ lẹ mbọku ono bẹ ìi  
 pfupheerupho iche;  
 ndu ọhozo anọdu egwe  
 iphe oshilọkpa Jiékọpu;  
 ndu abụdu ndu Ízurẹlu

anọdu awụba l'ọnu  
 ọguzo mkpụkpu phẹ;  
 nọdu atụ ido eke  
 Jierúsalemụ; mbụ-a;  
 gụ l'ẹphe adụepho  
 g'unu bụ iphe lanụ.

<sup>12</sup> I tigi ledu nwune ngu  
 olegbulenya l'eswe mbọku,  
 duru iya ẹji;  
 ophu i tigi tedu ẹswa kpua  
 ndu Jiuda l'eswe mbọku,  
 e meru ẹphe  
 bụru mkpurupyata;  
 ọphu i tigi nọdudu aba  
 abaa l'eswe mbọku,  
 iphe-ẹhuka byapfutaru phẹ.

<sup>13</sup> I tigi bahudu l'ọnu ọguzo  
 mkpụkpu ndibe mu  
 l'eswe mbọku,  
 ẹphe eje iphe-kpanganga;  
 ọphu i tigi ledu iya  
 olegbulenya l'ẹka  
 ẹjo-iphe byapfutaru phẹ  
 l'eswe mbọku, ẹphe eje  
 iphe-kpanganga;  
 ọphu i tigi nọdudu  
 egwe iphe phẹ  
 l'eswe mbọku,  
 ẹphe eje oke iphe-ẹhuka.

<sup>14</sup> I tigi pfulu-chidu ụzo ị  
 mgbakata-ụzo egbutsushi  
 ndibe phẹ,  
 bụ ndu agbala agbala;

ọp̄hu i tigi kp̄utajedu  
 ndibe ph̄e,  
 b̄u ndu ọp̄hu waf̄uru n̄u  
 je akp̄uphuru ph̄e az̄u  
 l'eswe mb̄oku ono,  
 ip̄he-ẹhuka byap̄futaru  
 ph̄e ono.”

*Ikpe, Chipfu e-kpe* ọhamoha

15 “Eswe mb̄oku k̄e Chipfu  
 d̄uakwaru ọhamoha  
 ntse.

Ọ kwa g'i meru onye b̄u  
 g'ee-me ngu-o!  
 Ip̄he, i meru l'atukokwaru  
 ngu l'ishi-o!

16 Ọ kwa ẹgube ono,  
 unu n̄o l'úbvú mu,  
 d̄u ns̄o ngu-sweshia  
 ip̄hu ono;  
 b̄ukwapho g'ọhamoha  
 a-n̄odu anḡuwa  
 iya r̄o.

Ẹp̄he a-ngu;  
 nḡu n̄ta nḡu imo;  
 ẹp̄he ad̄ule-a g'ọ b̄u  
 l'ẹp̄he ta ad̄ujeduru  
 ad̄udu ophu.”

*Aadzota* ndu Ízurelu

17 “Obenu l'ọo-d̄uru ndu a-waf̄u  
 n̄u l'eli úbvú Zaȳonu.

Ẹka ono a-d̄u ns̄o;  
 t̄eme ọnu-ulo Jiék̄ọpu abya  
 anata okip̄he,

rwuberu phẹ nụ.

- 18 Ọnu-ulo Jiékpọ a-dụ g'ọku,  
 eke paapaapa;  
 mbụ ẹ ndu ọnu-ulo  
 Jiósẹfu a-dụ g'ọku,  
 enwu phoophoophoo;  
 ndu ọnu-ulo Iso  
 adụkwanu g'ẹswa ereshi,  
 ọku a-daba tsua tsufu;  
 ọphu ọ  
 dudu onye ọnu-ulo Iso,  
 byaru awafu mẹ  
 onye lanu.”

Nokwa iphe, Chipfu pfuru  
 bụ ono.

- 19 “Ọ bụru ndu shi l'echiẹgu  
 ndọhali l'a-bya ebuchishia  
 alị úbvú úbvú Iso.

Ndu ọphu shi l'alị ọkpa úbvú,  
 nọ l'ụzo ẹnyanwu-arịba  
 abya ebuchishia alị ndu  
 Filisitayinu.

Ẹphe abya ebuchishia alị  
 ndu Ifuremu yẹle alị,  
 nọ-kube mkpụkpu  
 Samériya.

Ndu Benjiaminu anata  
 alị Giladu.

- 20 Ndu Ízurẹlu ndu ọphu  
 a kpuru ẹ ndzụ a-nata  
 alị Kénanu gbiriri  
 jasụ ẹ mkpụkpu  
 Zarefatu.

Ndu ọ́phu, a kpọ́ru ẹ́  
ndzụ́ ẹ́ Jierúsalemu  
laa Sefaradu l'a-natakọ́ta  
mkpụ́kpụ́,  
nọ́kota l'echiẹ́gu ndọ́hali.

<sup>21</sup> Ndu adzọ́je ndzụ́  
e-nyihu úbvú Zayọ́nu  
je anọ́du kpee ndu  
bugbaa l'alì úbvú  
úbvú oshilọ́kpa  
Ịso ikpe.

Noo ya bụ́; alì-eze Ọ́bu  
l'ọ́phu abụ́kotaru  
kẹ́ Chipfu.”

Bayıburu Izii  
Izii: Bayıburu Izii Bible

copyright © 2014 Wycliffe Bible Translators, Inc.

Language: (Izii)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 30 Dec 2021 from source files dated 30 Dec 2021

c6885c7c-c550-5b8b-a4fe-4bd714af4f6d